



Lets in Osterie:

FLABIS DI FEDRI - cussì lis conti jo
di Danilo Toneat

CE LIBRI ISAL?

Un libri di formât quadrât fat di 21 flabis di Fedro voltadis par furlan di *Danilo Toneatto* e compagnadis dutis di une fotografie che e mostre lis sculturis di len fatis dal autôr stes par ilustrâ la flabe. Fat di 79 pagjinis al è jessût come edizion pe riviste Il Ponte, di Codroip, cul patricini de Pro Loco Villa Manin. Consulente lenghistic al è stât Agnul Pitane.

MA CUI ISAL L'AUTÔR?

Il professor Toneatto al è insegnant cu la passion par lis contis, in particolâr flabis e liendis. Dopo chest libri al à publicât ancje Stagioni a Sant'Antonio (1998), Contis par une setemane (2004), Sot Nâdal (2006). Al à ancje fat dai video-racconti tra cui Butjo? e Il brigant de Stradalte.

MA CE ISAL DENTRI, DI PRECÎS?

21 flabis voltadis intun furlan che al ten cont de koinè ma ancje de fevelade di flambri, metudis in setenaris, cun subit daûr la version par talian e la imagine che la rapresente. Denant e je une introduzion di Agnul Pitane che e spiege il valôr di Fedro (e di Esopi) e ancje la scletece e la facilitât di leture di cheste version furlane.

MA A CUI I PUEDIAL PLASÊ?

A cui che ur plasin lis flabis e al à voie di leilis in forme poetiche e veloce par furlan, a cui

che al à fruts piçui o al à di insegnâi a lôr.

E SE O AI VOIE DI CJOILU?

Nol è reperibil intal web, jessint cence codiç sbn, ma come altri lavôr dal autôr si lu cjate tes bibliotechis, soledut de basse furlane..